



Bases completas do XIII Certame “Deseña unha xoia para a túa nai”

A Federación Galega de Xoieiros, en colaboración co Coxga, convoca a

XIII edición do Certame Deseña unha xoia para a túa nai

A Federación Galega de Xoieiros, Prateiros e Reloxeiros (en diante, Federación Galega), con CIF G-15086366, en colaboración co Colexio Profesional de Xoiaría, Ourivaría, Prataría, Reloxaría e Xemoloxía de Galicia (en diante, Coxga), con CIF Q-1500321C, ambas entidades con sede na rúa Laverde Ruiz nº 6, entresollado - 15702 Santiago de Compostela, convoca o XIII Certame “Deseña unha xoia para a túa nai”.

Bases:

1.- Participantes

O concurso está aberto a nenas e nenos de Galicia, de 0 a 12 anos (inclusive) e divídese en catro categorías:

- Ata os 4 anos incl.
- De 5 a 7 anos incl.
- De 8 a 10 anos incl.
- De 11 a 12 anos incl.

2.- Premios

O xurado seleccionará **80 deseños finalistas, 20 por categoría**, aos que se lles outorgará un diploma acreditativo da participación. Entre os finalistas de cada categoría entregaranse **tres premios (1º, 2º e 3º premio)**: **os deseños gañadores de cada grupo faranse realidade por xoieiros profesionais, no metal que estes entendan idóneo, e serán entregados aos seus autores antes do día da Nai.**

A xoia final, cando a execución técnica da peza así o requira, será unha interpretación do profesional que a realice.

3.- Desenvolvemento do certame

- A partir do xoves 23 de febreiro de 2023, a **Federación Galega** e o **COXGA** comezarán a distribuír dísticos de participación. Poderán descargarse igualmente das web da **Federación Galega (www.fgxoieiros.es)** e do **COXGA (www.coxga.es)**.
- Os debuxantes deberán deseñar no espazo en branco reservado no dístico e cubrir todos os datos requiridos na ficha de participación.
- O prazo de presentación dos deseños é **do xoves 23 de febreiro ao xoves 30 de marzo de 2023**, en calquera dos **Establecementos Colaboradores** (listado completo publicado nas páxinas web da **Federación Galega** e do **COXGA: www.fgxoieiros.es e www.coxga.es**), e na **sede da Federación e do COXGA: rúa Laverde Ruiz nº 6, entresollado 15702 Santiago de Compostela (A Coruña)**
- **Cada participante poderá presentar un único deseño.**
- Aínda que, pola natureza do premio, se requira que a participación sexa individual, para facilitar a entrega, **os colexios ou profesores poderán remitir nun único envío os deseños correspondentes aos seus alumnos.**
- A partir do 30 de marzo, reunírase un xurado composto polas persoas que se determinarán con anterioridade (profesionais do sector da xoiaría, educación, prensa e do mundo da arte).
- Tomando como base para a súa valoración a creatividade do autor e a súa capacidade para representar a peza no deseño, a viabilidade da súa execución,

dacordo coa súa idade, **os membros do xurado seleccionarán 20 debuxos finalistas por categoría e de entre estes elixirán os 3 deseños gañadores de cada grupo, correspondentes ao 1º, 2º e 3º premio.**

A decisión adoptada por maioría do xurado será inapelable.

- A entrega de premios farase o venres 28 de abril de 2023 no lugar que se determine e que será convenientemente comunicado.

Para máis información, consultar as páxinas web da **Federación Galega (www.fgxoieiros.es)** e do **COXGA (www.coxga.es)** que estarán constantemente actualizadas.

4.- Aceptación das bases e notas aclaratorias

- Os autores e, no seu nome os seus titores/representantes legais, aceptan expresamente cumprir todas e cada unha das bases deste concurso. O seu incumprimento dará lugar á exclusión do participante do certame.
- Os datos dos participantes serán incorporados aos ficheiros de titularidade da **Federación Galega** e do **COXGA**, que tratarán para a organización e xestión do concurso. Poderanse exercer os dereitos de oposición, acceso, rectificación e cancelación dirixindo un escrito á **Federación Galega de Xoieiros ou ao Coxga: rúa Laverde Ruiz nº 6 entresollado - 15702 Santiago de Compostela (A Coruña)**.
- Os nomes e imaxe dos participantes, profesores e centros escolares, poderán ser obxecto de comunicación pública nas accións que a **Federación Galega** e o **COXGA** poidan levar a cabo relacionadas co certame.
- Todos os participantes ceden á **Federación Galega** e ao **COXGA** o uso e explotación dos debuxos e deseños presentados, que poderán ser obxecto de reprodución, recreación, para a súa exposición e/ou difusión pública por calquera medio de comunicación.
- Os profesionais da xoiaría, que executen as pezas, ceden á **Federación Galega** todos os dereitos de explotación das xoias elaboradas a partir dos debuxos e deseños dos participantes.
- Unha vez coñecido o fallo do xurado procederá á destrución dos deseños presentados nun prazo de 30 días naturais, agás dos deseños premiados que quedarán en propiedade da **Federación Galega**.
- A **Federación Galega** resérvase a interpretación das presentes bases, prevalecendo o seu criterio en caso de discrepancia.
- A **Federación Galega** resérvase o dereito a introducir unha nova categoría de premios, ademais dos previstos, en base á participación.

Santiago de Compostela, a 20 de febreiro de 2023

